

- a. Skip, sem um getur í a-lið 21. gr. greiði kr. 6.00 af hverri brúttó rúmlest á ári. **161**  
Bátar undir 12 brúttó rúml. greiði kr. 30.00 á ári. Gjaldldagi er 1. júlí. **21. sept.**
- b. Skip, sem um getur í b-lið 21. gr. greiði kr. 0.50 af hverri brúttó rúmlest í hvert skipti, sem þeim ber að greiða lestagjald. Bátar undir 12 rúml. brúttó, greiði kr. 10.00 hvert skipti.
- c. Öll önnur skip greiði kr. 0.50 af hverri brúttó rúmlest. Innland vöru- og farþegaskip, greiði þó aðeins kr. 0.30 af hverri nettó rúmlest. Bryggjugjald miðast við sólarhring eða hluta úr sólarhring.

## 24. gr.

Öll skip, sem leggjast að bryggju, greiði aukalega festargjald, kr. 25.00—300.00, eftir stærð skipsins.

## 25. gr.

Varðskip og björgunarskip eru undanþegin bryggjugjaldi, nema þegar þau flytja vörur eða farþega og taka gjald fyrir.

## IX. KAFLI

## Fjörugjald.

## 26. gr.

Fyrir að leggja skipi í fjöru, innan takmarka hafnarinnar, til hreinsunar eða aðgerðar, skal greiða kr. 0.25 af hverri nettó rúmlest, fyrir hvern sólarhring eða brot úr sólarhring, þó aldrei minna en kr. 20.00. Undanþegin gjaldi þessu eru skip, sem heima eiga á Patreksfirði.

## X. KAFLI

## Um vörugjald.

## 27. gr.

Vörugjald skal greiða af öllum vörum og skepnum, sem fluttar eru af skipsfjöllum á land eða úr landi á skipsfjöllum, eða úr einu skipi í annað, innan takmarka hafnarinnar, þó með þeim undantekningum, sem um getur í næstu greinum.

## 28. gr.

Fyrir vörur, sem skv. farmskrá skips eru ákveðnar til annarrar hafnar og eiga því ekki að leggja á land nema um stundarsakir, greiðist aðeins hálfvörugjald. Af vörum, sem settar eru á land og eiga að fara áfram með sama skipi, enda sé það ákveðið í farmskrá, greiðist ekkert vörugjald.

## 29. gr.

Þessar vörur eru algerlega undanþegnar vörugjaldi:

- Umbúðir, sem endursendar eru, enda sé þess getið í farmskrá.
- Vistir og aðrar nauðsynjar til skipa og báta til eigin notkunar, sem fluttar eru úr landi.
- Innlend mjólk og rjómi, sem flutt er til hafnarinnar.
- Póstur og venjulegur farþegaflutningur.

## 30. gr.

Vörugjald skal reikna eftir máli eða þyngd, með umbúðum, og af hverri sendingu sérstaklega. Brot úr gjaldeiningu telst sem heil gjaldeining.

**161** Fara skal eftir farmskrá skipa við útreikning vörugjalds. Skipstjóra eða af-  
21. sept. greiðslumanni skips er skylt að láta gjaldkera hafnarinnar í té eftirit af farmskrá. Sé engin farmskrá, skal skipstjóri eða formaður báts gefa drengskaparvottorð um vörumagn, sem fleyta hans hefur fermt eða affermt. Þyki hafnarstjóra ástæða til, getur hann, hvenær sem er, látið ákveða vörumagnið á þann hátt, sem hann telur hentugast. Reynist vörumagnið meira en upp var gefið, greiðir skipið kostnaðinn.

Séu fleiri en ein vörutegund í sendingu, skal reikna vörugjaldið eftir þeirri tegund, sem hæst gjald skal greiða af.

### 31. gr.

Vörur skal flokka til vörugjalds, eftir því, sem vörugjaldskrá tiltekur og gjaldið greiðast eins og þar segir.

## XI KAFLI

### Vörugjaldskrá.

#### 32. gr.

1. flokkur. Gjald kr. 0.60 fyrir hver 100 kg:  
Fiskur, nýr, slægður eða óslægður, ísvarinn, saltaður óverkaður, fiskbein blaut, stálvírar, keðjur, akkeri, vikursteinn.
2. flokkur. Gjald kr. 1.50 fyrir hver 100 kg:  
Sement, salt kol, koks, múrsteinn, kalk, eldfastur leir, tilbúinn áburður, hey, kartöflur, gulrófur, landbúnaðarvélar, aflvélar í skip og vinnustofur, jarðstrengir, beita alls konar, fiskmjöl, beinamjöl, freðsild, skreið, verkaður saltfiskur, hraðfrystur fiskur, gærur, fuel-olíur.
3. flokkur. Gjald kr. 2.00 fyrir hver 100 kg:  
Kornvara í sekkjum, kjöt, lýsi múrhúðunarefni, mör, tólg, sykur, kálmeti, harðfiskur til manneldis, saumur alls konar, gashylki, steinolía, hráolía, þak- og þilplötur úr asbest.
4. flokkur. Gjald kr. 3.00 fyrir hver 100 kg:  
Benzín, fiskilínur, fisknet og nætur, fiskumbúðir, hessían, trolltvinni, netjagarn, strigapokar, tvistur, ull, ullarballar, hrogn, smurolíur, jurtafeti, skinn hert, reiðingur, rafgeymar, járn alls konar, járnþípur.
5. flokkur. Gjald kr. 4.50 fyrir hver 100 kg:  
Brauðvörur, bækur, pappír alls konar, korkur, kitti, málning og efni í málningu, blý, tin, krossviður, aðrar þilplötur, linoleum, miðstöðvarkatlar, miðstöðvarofnar, smjör, smjörliki, timbur, tjara, þakpappi, önglar, öngultaumar, strengir úr hampi og sísal, lóðabelgir, netakúlur úr gleri eða málm, handkerrur, hestakerrur, hjólbörur, rúðugler.
6. flokkur. Gjald kr. 1.00 fyrir hver 10 kg:  
Eldavélar, þvottapottar (ekki rafmagns), gólf- og veggflisar, hjólbarðar, gúmmiskófatnaður, hlífðarföt úr gúmmi eða lérefti, veggfóður, sápur, þvottaduft, þvottalögur, lím, lökk, zink, kopar, öl og gosdrykkir, ávextir nýir og þurrkaðir, blikkvörur, baðlyf, brýni burstavörur, bökunardropar, eldhúsáhöld, essensar, gips, gerduft, gerefni, gólfklútar, búsáhöld úr leir og gleri, hverfi- steinar, handverkfæri, smájárnvörur, svo sem boltar, rær, skrúfur, skrár, lamir o. fl., kaffi, kaffibætur, lyfjavörur, niðursuðuvörur, nýlenduvörur, sýrur, sóði, skó- og gólfáburður, húsgagnaáburður.
7. flokkur. Gjald kr. 1.50 fyrir hver 10 kg:  
Bólsturefni, gólfteppi, eldspýtur, húsgögn jólatré, barnavagnar.